



5235.4/3433 (1)



76*304

王摩詰詩集

一



五
卷
第
一
冊

光緒己丑孟春
碧琳琅館重刊

唐進王右丞集表

臣縉言。中使王承華奉宣進止。令臣進。臣兄故尚書右丞維。文章。恩命忽臨。以驚以喜。退因編錄。又竊感傷。臣兄文詞立身。行之餘力。當官堅正。秉操孤直。縱居要劇。不忘清淨。實見時輩。許以高流。至於晚年。彌加進道。端坐虛室。念茲無生。乘興爲文。未嘗廢業。或散朋友之上。或畱篋笥之中。臣近搜求。尚慮零落。詩筆共成十卷。今且隨表奉進。曲承

天鑒下訪遺文。魂而有知。荷寵光於幽窆。歿而不朽。成大名於聖朝。臣不勝感戴悲歡之至。謹奉表以聞。臣縉誠惶誠恐頓首頓首謹言。

銀青光祿大夫尙書兵部侍郎兼御史大夫臣

王縉表上

唐代宗皇帝批答手敕

敕卿之伯氏。天下文宗。位歷先朝。名高希代。抗行周雅。長揖楚辭。調六氣於終編。正五音於逸韻。泉

飛藻思。雲散襟情。詩家者流。時論歸美。誦於人口。久鬱文房。歌以國風。宜登樂府。眎朝之後。乙夜將觀。石室所藏。歿而不朽。栢梁之會。今也則亾。乃眷棣華。克成編錄。聲猷益茂。歎息良深。

舊唐書文苑傳

唐端明殿學士中書侍郎兼吏部尚書監修國

史右僕射同中書門下平章事劉昫撰

王維字摩詰太原祁人父處廉終汾州司馬徙家於蒲遂爲河東人維開元九年進士擢第事母崔氏以孝聞與弟縉俱有俊才博學多藝亦齊名閨門友悌多士推之歷右拾遺監察御史左補闕庫部郎中居母喪柴毀骨立殆不勝喪服闋拜吏部

郎中。天寶末爲給事中。祿山陷兩都。玄宗出幸。維扈從不及。爲賊所得。維服藥取痢。僞稱瘖病。祿山素憐之。遣人迎置雒陽。拘於普施寺。迫以僞署。祿山宴其徒於凝碧宮。其工皆梨園子弟。教坊工人。維聞之悲惻。潛爲詩曰。萬戶傷心生野煙。百官何日再朝天。秋槐花落空宮裏。凝碧池頭奏管絃。賊平。陷賊官三等定罪。維以凝碧詩聞於行在。肅宗嘉之。會縉請削己刑部侍郎以贖兄罪。特宥之。謫

授太子中允。乾元中。遷太子中庶子。中書舍人。復拜給事中。轉尙書右丞。維以詩名。盛於開元。天寶間。昆仲宦遊兩都。凡諸王駙馬豪右貴勢之門。無不拂席迎之。寧王薛王待之如師友。維尤長五言詩。書畫特臻其妙。筆蹤措思。參於造化。而創意經圖。卽有所缺。如山水。平遠雲峯石色。絕迹天機。非繪者之所及也。人有得奏樂圖。不知其名。維視之。曰。霓裳第三疊第一拍也。好事者集樂工按之。一

無差。咸服其精思。維弟兄俱奉佛。居常蔬食。不茹葷血。晚年長齋。不衣文綵。得宋之問。藍田別墅。在輞口。輞水周於舍下。別漲竹洲花塢。與道友裴迪。浮舟往來。彈琴賦詩。嘯咏終日。嘗聚其田園所爲詩。號輞川集。在京師。日飯十數名僧。以玄譚爲樂。齋中無所有。唯茶鐺藥臼。經案繩牀而已。退朝之後。焚香獨坐。以禪誦爲事。妻亾不再娶。三十年。孤居一室。屏絕塵累。乾元二年七月卒。臨終之際。以

在鳳翔。忽索筆作別縉書。又與平生親故作別書數幅。多敦厲朋友奉佛修心之旨。捨筆而絕。代宗時。縉爲宰相。代宗好文。嘗謂縉曰。卿之伯氏。天寶中。詩名冠代。朕嘗於諸王座聞其樂章。今有多少。文集卿可進來。縉曰。臣兄開元中。詩百千餘篇。天寶事後。十不存一。比於中外親故間。相編綴。都得四百餘篇。翌日上之。帝優詔褒賞。縉自有傳。

新唐書文藝傳

宋端明殿學士兼翰林侍讀學士龍圖閣學士

朝請大夫守尚書吏部侍郎充集賢殿修撰

宋祁奉敕撰

王維字摩詰。九歲知屬辭。與弟縉齊名。資孝友。開元初。擢進士。調大樂丞。坐累爲濟州司倉參軍。張九齡執政。擢右拾遺。歷監察御史。母喪毀。幾不生。服除。累遷給事中。安祿山反。玄宗西狩。維爲賊得。

以藥下痢。陽瘖。祿山素知其才。迎置洛陽。迫爲給事中。祿山大宴凝碧池。悉召梨園諸工合樂。諸工皆泣。維聞悲甚。賦詩悼痛。賊平皆下獄。或以詩聞行在。時縉位已顯。請削官贖維罪。肅宗亦自憐之。下遷太子中允。久之遷中庶子。三遷尙書右丞。縉爲蜀州刺史。未還。維自表。已有五短。縉五長。臣在省戶。縉遠方。願歸所任官。放田里。使縉得還京師。議者不之罪。久乃召縉爲左散騎常侍。上元初卒。

年六十一。疾甚。縉在鳳翔。作書與別。又遺親故書數幅。停筆而化。贈祕書監。維工草隸。善畫。名盛於開元。天寶間。豪英貴人。虛左以迎。寧薛諸王。待若師友。畫思入神。至山水平遠。雲勢石色。繪工以爲天機所到。學者不及也。客有以按樂圖示者。無題識。維徐曰。此霓裳第三疊最初拍也。客未然。引工按曲。乃信。兄弟皆篤志奉佛。食不葷。衣不文綵。別墅在輞川。地奇勝。有華子岡。欽湖。竹里館。柳浪。茱

莫汧辛夷塢與裴迪遊其中賦詩相酬爲樂喪妻
不娶孤居三十年母亾表輞川地爲寺終葬其西
寶應中代宗語縉曰朕嘗於諸王座聞維樂章今
傳幾何遣中人王承華往取縉哀集數十百篇上
之

王摩詰目錄卷之一

五言古詩

藍田山石門精舍

贈房盧氏瑄

贈祖三詠

贈張弟諲

胡居士臥病遺米因贈

休暇還舊業便使

宿鄭州

觀別者

送別

冬日遊覽

崔濮陽兄季重前山興

過李楫宅

渭川田家

春日田家作

齊州送祖三

贈劉藍田

歎白髮

李陵詠

西施詠

羽林騎閨人

偶然作

晦日遊大理韋卿城南別業

飯覆釜山僧

送從弟蕃游淮南

丁寓田家有贈

送魏郡李太守

別弟縉後登青龍寺望藍田山

從軍行

扶南曲歌詞五首

隴西行

早春行

奉和聖製登降聖觀與宰臣同望應制

奉和聖製御春明樓臨右丞相園亭賦樂賢

詩應制

奉和聖製送不蒙都護兼鴻臚卿歸安西應

制

瓜園詩

同盧拾遺章給事東山別業二十韻給事首

春休沐維已陪游及乎是行亦預聞命會
無車馬不果斯諾

和使君五郎西樓望遠思歸

酬黎居士浙川作
奉寄韋太守陟

林園卽事寄舍弟統
贈從弟司庫員外綵
座上走筆贈薛璩慕容損

贈李頎

春夜竹亭贈錢少府歸藍田

至滑州隔河望黎陽憶丁三寓

秋夜獨坐懷內弟崔興宗

贈裴十迪

與胡居士皆病寄此詩兼示學人

華岳

青溪

石處士山居

謁璿上人

送康太守

送陸員外

送宇文太守赴宣城

送綦毋校書棄官還江東

送六舅歸陸渾

送別

送張五歸山

送縉雲苗太守

送權二

送高適弟耽歸臨淮作

送張舍人佐江州同薛璩十韻

送韋大夫東京留守

留別山中溫古上人兄并示舍弟縉

別弟妹

別綦毋潛

新晴晚望

自大散以往深林密竹
蹬道盤曲四五十里

至黃牛嶺見黃花川

早入滎陽界

寓言

渡河到清河作

苦熱

納涼

濟上四賢詠三首

崔錄事

成文學

鄭霍二山人

鷺子龕禪師

冬夜書懷

早朝

獻始興公

哭殷遙

故南陽夫人樊氏挽歌

四言詩

酬諸公見過

王摩詰目錄卷之一 終

王摩詰詩集卷之一

附姑蘇顧璘評

唐 藍田王維撰

宋 廬陵劉辰翁評

五言古詩 四言附

藍田山石門精舍

落日山水好。漾舟信歸風。玩奇一作寄不覺遠。因以緣源

窮。遙愛雲木秀。初疑路不同。安知清流轉。偶與前

山通。捨舟理輕策。果然愜所適。老僧四五人。逍遙

此景自常有。之其詩亦若無意。故是佳趣。

世外好事語

蔭松柏朝梵林未曙夜禪山更寂道心及牧童世
事問樵客暝宿長林下焚香臥瑤席澗芳襲人衣
山月映石壁再尋畏迷誤明發更登歷笑謝桃源
人花紅復來覲

贈房盧氏瑄

達人無不可忘已愛蒼生豈復小千室絃歌在兩
楹浮人日已歸但坐事農畊桑榆鬱相望邑里多
雞鳴秋山一何淨蒼翠臨寒城視事兼偃臥對書

顧東橋云此
篇韻用兩生
字

不簪纓蕭條人吏散烏雀下空庭鄙夫心所向晚
節異平生將從海嶽居守靜解天刑或可累安邑
茅茨君試營

贈祖三詠

濟州官舍作

蟪蛄掛虛牖蟋蟀鳴前除歲晏涼風至君子復何
如高閣閒無人離居不可道閉門寂已閉落日照
秋草雖有近音信千里阻河關中復客汝潁去年
歸舊山結交二十載不得一日展貧病子既深契

顧云步驟選
體

濶余不淺。仲秋雖未歸。暮秋以爲期。良會詎幾日。終日長相思。

戲贈張五弟諲

吾弟東山時。心尚一何遠。日高猶自臥。鍾動始能飯。一作頭領上髮未梳。床頭書不卷。清川興悠悠。空林對偃蹇。青苔石上淨。細草松下軟。窗外鳥聲聞。階前虎心善。徒然萬慮多。澹爾太虛緬。一知與物平。自顧爲人淺。對君忽自得。浮念不煩遣。

不必其人直
自輸寫

顧云警語不
在深

張弟五車書。讀書仍隱居。染翰過草聖。賦詩輕子虛。閉門二室下。隱居十年餘。宛如野人也。時從漁父魚。秋風日蕭索。五柳高且疎。望此去人世。渡水向吾廬。歲宴同攜手。只應君與予。

設罝守鳧兔。垂釣伺游鱗。此是安口腹。非關慕隱淪。吾生好清靜。蔬食去情塵。今子方豪蕩。思爲鼎食人。我家南山下。動息自遺身。八鳥不相亂。見獸皆相親。雲霞成伴侶。虛白侍衣巾。何事須夫子。邀

予谷口真

胡居士臥病遺米因贈

了觀四大因。根性何所有。妄計苟不生。是身孰休咎。色聲何謂客。陰界復誰守。徒言蓮華目。豈惡楊枝肘。既飽香積飯。不醉聲聞酒。有無斷常見。生滅幻夢受。卽病卽實相。趨空定狂走。無有一法真。無有一法垢。居士素通達。隨宜善抖擻。牀上無羶臥。鍋中有粥否。齋時不乞食。定應空漱口。露葵自朝

折黃梁不煩剖。聊持數斗米。且救浮生取。

休暇還舊業便使

唐選作盧象詩

謝病始告歸。依依入桑梓。家人皆佇立。相俟柴門裏。時輩皆長年。成人舊童子。上堂家慶畢。願與姻親齒。論舊忽餘悲。目存且相喜。田園轉蕪沒。但有寒泉水。衰柳日蕭條。秋光清邑里。入門乍如昨。休騎非便止。中飯顧王程。離憂從此始。

宿鄭州

顧云淺不近
俗當思其難
處

藹然戀闕之
情

雨語已絕

顧云情盡

朝與周人辭。莫投鄭地宿。他鄉絕儔侶。孤客親僮
僕。宛洛望不見。秋霖晦平陸。田父草際歸。村童雨
中牧。主人東臯上。時稼繞茅屋。虫思機杼鳴。雀喧
禾黍熟。明當渡京水。昨晚猶金谷。此去欲何言。窮
邊狗微祿。一作食

觀別者

青青楊柳陌。陌上別離人。愛子遊燕趙。高堂有老
親。不行無可養。行去百憂新。切切委兄弟。依依向

四隣。都門悵飲別。從此謝賓親。揮淚逐前侶。含悽
動征輪。車徒望不見。時時起行塵。余亦辭家者。看
之淚滿巾。

送別

一作送蔡母潛落第還鄉

聖代無隱者。英靈盡來歸。遂令東山客。不得顧采
薇。既至金門遠。孰云吾道非。江淮度寒食。京洛縫
春衣。置酒長安道。同心與我違。行當浮桂棹。未幾
拂荆扉。遠樹帶行客。孤城當落暉。吾謀適不用。勿

帶字畫意當
字天然

顧云用意厚

下字佳

平實悲壯古
意雅詞樂府

所少

更似不須語

言

又別又別有

道之言

顧云學陶

謂知者稀。

冬日遊覽

步出城東門。試騁千里目。青山橫蒼林。赤日團平陸。渭北走邯鄲。關東出函谷。秦地萬方會。來朝九州牧。雞鳴咸陽中。冠蓋相追逐。丞相過列侯。羣公餞光祿。相如方老病。獨歸茂陵宿。

崔濮陽兄季重前山興

山西去亦對維門

秋色有佳興。況君池上閒。悠悠西林下。自識門前

山。千里橫黛色。數峯出雲間。嵯峨對秦國。合沓藏荆關。殘雨斜日照。夕嵐飛鳥還。故人今尚爾。歎息此頽顏。

過李楫宅

閒門秋草色。終日無車馬。客來深巷中。犬吠寒林下。散髮時未簪。道書行尚把。與我同心人。樂道安貧者。一罷宜城酌。還歸洛陽社。

渭川田家

一作水

王摩詰詩集卷一

碧琳瑯館重刊

顧云晚色好

顧云點化好

卷耳之後得此吟諷情致自然抑揚有態

前四句只是眼前道不到者末句短嫩意傷顧云清思甚多

斜光照墟落窮巷牛羊歸野老念牧童倚杖候荆扉
雉雉麥苗秀蠶眠桑葉稀田夫荷鋤立相見語
依依卽此羨閒逸悵然吟式微

春日田園作

屋上春鳩鳴村邊杏花白持斧伐遠楊荷鋤覘泉脈
歸燕識故巢舊人看新厯臨觴忽不御惆悵遠
行客

齊州送祖三

一作淇上別趙仙舟

相逢方一笑相送還成泣祖帳已傷離荒城復愁
入天寒遠山浮日暮長河急解纜君已遙望君猶
佇立

贈劉藍田

籬中犬迎吠出屋候柴扉歲晏輸井稅山村人夜
歸晚田始家食餘市成我衣詎肯無公事煩君問
是非

歎白髮

我年一何長。鬢髮日已白。俛仰天地間。能為幾時客。惆悵故山雲。徘徊空日夕。何事與時人。東城復南陌。

李陵詠

時年十九

漢家李將軍。三代將門子。結髮有奇策。少年成壯士。長驅塞上兒。深入單于壘。旌旗列相向。簫鼓悲何已。日暮沙漠垂。戰聲煙塵裏。將令驕虜滅。豈獨名王侍。既失大軍援。遂嬰穹廬恥。小小蒙漢恩。何

堪坐思此。深中欲有報。投軀未能死。引領望子卿。非君誰相理。

西施詠

一作又

一作仍

一作真

艷色天下重。西施寧久微。朝為越溪女。暮作吳宮妃。賤日豈殊眾。貴來方悟稀。邀人傅脂粉。不自著羅衣。君寵益嬌態。君憐無是非。當時浣紗伴。莫得同車歸。持謝隣家子。效顰安可稀。

語有諷味似
淺似深
妙
顧云事皆如此

羽林騎閨人

顧云說得此
語出決是作
家

秋月臨高城。城中管絃思。離人堂上愁。稚子堦前
戲。出門復暎戶。望望青絲騎。行人過欲盡。狂夫終
不至。左右寂無言。相看共垂泪。

偶然作

趙女彈箜篌。復能邯鄲舞。夫婿輕薄兒。鬪雞事齊
主。黃金買歌笑。用錢不復數。許史相經過。高門盈
四牡。客舍有儒生。昂藏出鄒魯。讀書三十年。腰下
無尺組。被服聖人教。一生自窮苦。

楚國有狂夫。妄然無心想。散髮不冠帶。行歌南陌
上。孔丘與之言。仁義莫能獎。未嘗肯問天。何事須
擊壤。復笑採薇人。胡爲乃長往。

田舍有老翁。垂白衡門裏。有時農事閑。斗酒呼隣
里。喧聒茅簷下。或坐或復起。短褐不爲薄。園葵固
足美。動則長子孫。不會向城市。五帝與三王。古來
稱天子。一作君干戈將揖讓。畢竟何者是。得意苟爲樂。野
田安足鄙。且當放懷去。行行沒餘齒。

日夕見太行。沈吟未能去。問君何以然。世網嬰我
故。小妹日成長。兄弟未有娶。家貧祿既薄。儲蓄非
有素。幾回欲奮飛。踟躕復相顧。孫登長嘯臺。松竹
有遺處。相去詎幾許。故人在中路。愛染日已薄。禪
習日已固。忽呼吾將行。寧俟歲云暮。
陶潛任天真。其性頗耽酒。自從棄官來。家貧不能
有。九月九日時。菊花空滿手。心中竊自思。倘有人
送否。白衣攜壺觴。果來遺老叟。且喜得斟酌。安問

但可從此止

升與斗。奮衣野田中。今日嗟無有。一作負兀傲迷東西。簞
笠不能守。傾倒強行行。酣歌歸五柳。生事不曾問。
肯愧家中帚。一作婦

又 一本無此首

老來嬾賦詩。惟有老相隨。一作當代宿世謬詞客。前身應畫
師。不能捨餘習。偶被世人知。一作時名字本皆是。此心還
不知。

晦日遊大理韋卿城南別業 四聲各用六韻

郊居杜陵下。永日同攜手。一作人仁里藹川陽。平原見峯首。園廬鳴春鳩。林薄媚新柳。上卿始登席。故老前為壽。臨當游南陂。一作送約畧執杯酒。歸與一作繼拙微官。惆悵心自咎。

其二

與世澹無事。自然江海人。側聞塵外遊。解轆一作舟輶朱輪。一作極平野照暄景。上天垂春雲。張組竟北阜。泛泛過東隣。故鄉信高會。牢醴及佳辰。一作家臣幸同擊壤樂。心荷

堯為君

其三

冬中餘雪在。墟上春流駛。風日暢懷抱。山川好天氣。彫胡先晨炊。一作豐酌庖膾亦後至。一作雲高情浪海岳。浮生寄天地。君子外簪纓。埃塵良不啻。所樂衡門中。陶然忘其貴。

其四

高館臨澄陂。曠然蕩心目。淡蕩動雲天。玲瓏映墟

曲。鵲巢結空林。雉雥響幽谷。應接無閑暇。徘徊以
躑躅。紆組上春堤。側弁倚喬木。弦望忽已晦。後期
洲應綠。

飯覆釜山僧

晚知清淨理。日與人羣疎。將候遠山僧。先期掃敝
廬。果從雲峯裏。顧我蓬蒿居。藉草飯松屑。焚香看
道書。燃燈書欲盡。鳴磬夜方初。已悟寂爲樂。此生
閑有餘。思歸何必深。身世猶空虛。

送從弟蕃游淮南

讀書復騎射。帶劍游淮陰。淮陰少年輩。千里遠相
尋。高義難自隱。明時寧陸沈。島夷九州外。泉館三
山深。席帆聊問罪。卉服盡成擒。歸來見天子。拜爵
賜黃金。忽思鱸魚膾。復有滄洲心。天寒蒹葭渚。日
落雲夢林。江城下楓葉。淮上聞秋砧。送歸青門外。
車馬去駸駸。惆悵新豐樹。空餘天際禽。

丁寓田家有贈

一作田家贈丁寓

君心尙棲隱。久欲徬歸路。在朝每爲言。解印果成
趣。晨雞鳴隣里。羣動從所務。農夫行餉田。閨婦起
縫素。開軒御衣服。散帙理章句。時吟招隱詩。或製
閒居賦。新晴望郊郭。日映桑榆暮。陰晝一作陰盡小苑城。微
明渭川樹。揆予宅間井。幽賞何由屢。道存終不忘。
迹異難相遇。此時惜離別。再來芳菲度。

送魏郡李太守赴任

與君伯氏別。一作兄又欲與君離。君行無幾日。當復隔山

陂。蒼茫秦川盡。日落桃林塞。獨樹臨關門。黃河向
天外。前經洛陽陌。宛洛故人稀。故人離別盡。淇上
轉驂騑。企予悲送遠。惆悵睢陽路。古木官渡平。秋
城鄴宮故。一作都想君行縣日。其出從如雲。遙思魏公子。
復憶李將軍。

別弟縉後登青龍寺望藍田
陌上新別離。蒼茫四郊晦。登高不見君。故山復雲
外。遠樹蔽行人。長天隱秋塞。心悲遊宦子。何處飛

征蓋。

從軍行

吹角動行人。喧喧行人起。笳悲馬嘶亂。爭渡金河。

水日暮沙漠垂。戰聲煙塵裏。盡繫名王頸。歸來見

天子。見作獻作報

扶南曲歌詞五首

翠羽流蘇帳。春眠曙不開。羞從面色起。嬌逐語聲

來。早向朝陽殿。君王中使催。

用得別

堂上青絃動。堂前綺席陳。齊歌盧女曲。雙舞洛陽

人。傾國徒相看。寧知心所親。

香氣傳空滿。粧華影箔通。歌聞天仗外。舞出御樓

中。日暮歸何處。花間長樂宮。

宮女還金屋。將眠復畏明。入春輕衣好。半夜薄粧

成。拂曙朝前殿。玉墀多佩聲。

朝日照綺窗。佳人坐臨鏡。散黛恨猶輕。插釵嫌未

正。同心勿遽遊。幸待春粧竟。

隴西行

十里一走馬。五里一揚鞭。都護軍書至。匈奴圍酒泉。關山正飛雪。烽戍斷無烟。

早春行

紫梅發初徧。黃鳥歌猶澁。誰家折楊女。弄春如不及。愛水看粧坐。羞人映花立。香畏風吹散。衣愁露霑濕。玉閨青門裏。日落香車入。游衍益相思。含啼向彩幃。憶君長入夢。歸晚更生疑。不及紅簷鷺。雙

栖綠草時

奉和聖製登降聖觀與宰臣同望應制

鳳展朝碧落。龍圖耀金鏡。維岳降二臣。戴天臨萬姓。山川八校滿。井邑三農竟。比屋皆可封。誰家不相慶。林疏遠村出。野曠寒山盡。帝城雲裏深。渭水天邊映。一作嘉喜氣含風景。頌聲溢歌詠。端拱能任賢。彌彰聖君聖。

奉和聖製御春明樓臨右相園亭賦樂賢詩

應制

複道通長樂。青門臨上路。遙聞鳳吹喧。暗識金輿
度。寒旒明四目。伏檻紆三顧。小苑接侯家。飛甍映
宮樹。商山原上碧。滻水林端素。銀漢下天章。瓊筵
承湛露。將非富民寵。信以平戎故。從來簡帝心。詎
得迴天步。

奉和聖製送不蒙都護兼鴻臚卿歸安西應
制

上卿增命服。都護揚歸旆。雜虜盡朝周。諸胡皆自
郟。鳴笳瀚海曲。按節陽關外。落日下河源。寒山靜
秋塞。萬方氛稜息。六合乾坤大。無戰是天心。天心
同覆載。

瓜園詩

并序

維瓜園高壘。俯視南山形勝。二三時輩同
賦。是詩兼命詞英。數公同用園字爲韻。韻
任多少。時太子司議郎薛瓌發此題。遂同

諸公云

予適欲鋤瓜倚鋤聽叩門。鳴騶導驄馬常從夾朱軒。窮巷正傳呼故人儻相存。攜手追涼風放心望乾坤。靄靄帝王州宮觀一何繁。林端出綺道殿頂播華幡。素懷在青山若值白雲屯。迴風城西雨返景原上村。前酌盈樽酒往往聞清言。黃鸝轉深木朱槿照空園。猶羨松下客石上聞清猿。

同盧拾遺韋給事東山別業二十韻給事首

一作章非

春休沐維已陪游及乎是行亦預聞命會無

車馬不果斯諾

一作早

一本韋上有過字

託身侍雲陛。昧旦趨華軒。遂陪鵷鴻侶。霄漢同飛翻。君子垂惠顧。期我於田園。側聞景龍際。親降南面尊。萬乘駐山外。順風祈一言。高陽多夔龍。荆山積與璠。盛德啟前烈。大賢鍾後昆。侍郎文昌宮。給事東掖垣。謁帝俱來下。冠蓋盈邱樊。閨風首邦族。庭訓延鄉村。采地包山河。樹井竟川原。巖端迴綺

檻谷口開朱門。階下羣峯首。雲中瀑水源。鳴玉滿
春山。列筵先朝噉。會舞何颯踏。擊鍾彌朝昏。是時
陽和節。清晝猶未暄。藹藹樹色深。嚶嚶鳥聲繁。顧
已負宿諾。延頸慙芳蓀。蹇步守窮巷。高駕難攀援。
素是獨往客。脫冠情彌敦。

和使君五郎西樓望遠思歸

高樓望所思。目極情未畢。枕上見千里。窗中窺萬
室。悠悠長路人。曖曖遠郊日。惆悵極浦外。迢遞孤
烟出。能賦屬上才。思歸同下秩。故鄉不可見。雲外
空如一。

訓黎居士浙川作

曇壁上人院走筆成

儂家真箇去。公定隨儂否。着處是蓮花。無心變楊
柳。松龕藏藥裹。石屑安茶臼。氣味當共知。那能不
攜手。

奉寄韋太守陟

荒城自蕭索。萬里山河空。天高秋日迥。嘹唳聞歸

鴻寒塘映衰草。高館落疎桐。臨此歲方晏。顧景詠
悲翁。故人不可見。寂寞平林東。

林園卽事寄舍弟統

寓目一蕭散。消憂冀俄頃。青草肅澄陂。白雲移翠
嶺。後河通河渭。前山包鄢郢。松含風裏聲。花對池
中影。地多齊后瘠。人帶荊州瘦。徒思赤筆書。詎有
丹砂井。心悲常欲絕。髮亂不能整。青篔日何長。閑
門晝方靜。頽思茅簷下。彌傷好風景。

贈從弟司庫員外綽

少年識事淺。強學干名利。徒聞躍馬年。苦無出人
智。卽事豈徒言。累官非不識。旣寡遂性歡。恐招負
時累。清冬見遠山。積雪凝蒼翠。皓然出東林。發我
遺世意。惠連素清賞。風語塵外事。欲緩攜手期。流
年一何駛。

座上走筆贈薛璩慕容損

希世無高節。絕跡有卑棲。君徒視人文。吾固和天

倪緬然萬物始。及與羣牧齊。分地依后稷。用天信
重黎。春風何豫人。令我思東溪。草色有佳意。花枝
稍含黃。更待風景好。與君藉萋萋。

贈李頎

聞君餌丹砂。甚有好顏色。不知從今去。幾時生羽
翼。王母翳華芝。望爾崑崙側。文螭從赤豹。萬里走
方息。悲哉世上人。甘此羶腥食。

春夜竹亭贈錢少府歸藍田

夜靜羣動息。時聞隔林犬。卻憶山中時。人家澗西
遠。羨君明發去。采蕨輕軒冕。

至滑州隔河望黎陽憶丁三寓

隔河見桑柘。藹藹黎陽川。望望行漸遠。孤峯沒雲
煙。故人不可見。河水復悠然。賴有政聲遠。時聞行
路傳。

秋夜獨坐懷內弟崔興宗

夜靜羣動息。蟋蟀聲悠悠。庭槐北風響。日夕方高

秋思子整羽翰。及時當雲浮。吾生將白首。歲晏思
滄洲。高足在且暮。肯爲南畝儔。

贈裴十迪

風景日夕佳。與君賦新詩。澹然望遠空。如意方支
頤。春風動百草。蘭蕙生我籬。曖曖日暖閨。田家來
致詞。欣欣春還臯。淡淡水生陂。桃李雖未開。萸萸
滿芳枝。一作其請君理還策。敢告將農時。

與胡居士皆病寄此詩兼示學人

林凡志體

一興微塵念。橫有朝露身。如是觀一作都陰界。何方置我
人。礙有固爲主。趣空寧捨賓。洗心詎懸解。悟道正
迷津。因愛果生病。從貪始覺貧。色身非彼妄。浮幻
卽吾真。四達竟何遣。萬殊安可塵。胡生但高枕。寂
寞與誰鄰。戰勝不謀食。理齊甘負薪。子若未始異
詎論疎與親。

其二

浮空徒漫漫。汎有定悠悠。無乘及乘者。所謂智人

舟。詎捨貧病域。不疲生死流。無煩君喻馬。任以我
爲牛。植福祠迦葉。求仁笑孔丘。何津不鼓棹。何路
不摧輶。念此聞思者。何爲多阻脩。空虛華聚散。煩
惱樹稀稠。滅想成無記。生心坐有求。降吳復歸越。
不到莫相尤。

華岳

西岳出浮雲。積翠在大清。連天凝黛色。百里遙青
冥。白日爲之寒。一作大森沈華陰城。昔聞乾坤閉。造化生

巨靈。右足踏方止。一作山左手推削成。天地忽開拆。大河
注東溟。遂爲西峙岳。雄雄鎮秦京。大君包覆載。至
德被羣生。上帝佇昭告。金天思奉迎。人祇望幸久。
何獨禪云亭。

青溪

一作過青溪水作

言入黃花川。每逐青溪水。隨山將萬轉。趣途無百
里。聲喧亂石中。色靜深松裏。一作演漾漾漾泛菱荇。澄澄映
葭葦。我心素已閑。清川澹如此。請留盤石上。垂釣

將已矣。

石處士山居一作李

君子盈天階。小人甘自免。方隨鍊金客。林上家絕巘。背嶺花未開。入雲樹深淺。清晝猶自眠。山鳥一時嘯。

謁壻上人并序

上人外人內天。不定不亂。捨法而淵泊。無心而雲動。色空無礙。不物物也。默語無際。

不言言也。故吾徒得神交焉。玄關大啓。德海羣泳。時雨既降。春物具美。序於詩者。人百其言。

少年不足言。識道年已長。事往安可悔。餘生幸能養。誓從斷臂血。不復嬰世網。浮名寄纓珮。空性無羈鞅。夙從大導師。焚香此瞻仰。頽然居一室。覆載紛萬象。高柳早鶯啼。長廊春雨響。牀下阮家屐。窗前筇竹杖。方將見身雲。陋彼示天壤。一心在法要。

願以無生獎。

送康太守

城下滄江水。江邊黃鶴樓。朱欄將粉堞。江水暎悠悠。繞吹發夏口。使君居上頭。郭門隱楓岸。候吏趨蘆洲。何異臨川郡。還來康樂侯。

送陸員外

郎署有伊人。居然古人風。天子顧河北。詔書除征一作隸東。拜手辭上官。緩步出南宮。九河平原外。七國薊

門中。陰風悲枯桑。古塞多飛蓬。萬里不見虜。蕭條胡地空。無爲費中國。更欲邀奇功。遲遲前相送。握手嗟異同。行當封侯歸。肯訪南山翁。

送宇文太守赴宣城

遼落雲外山。迢遙舟中賞。繞吹發西江。秋空多清響。地迥古城蕪。月明寒潮廣。時賽敬亭神。復解罟師網。何處寄相思。南風搖五雨。一作吹

送綦毋校書棄官還江東一作秘

明時久不達。棄置與君同。天命無怨色。人生有素
風念君拂衣去。四海將安窮。秋天萬里淨。日暮九一作澄
江空。清夜何悠悠。扣舷明月中。和光魚鳥際。澹爾
蒹葭叢。無庸客昭世。衰鬢白如蓬。頑疎暗人事。僻
陋遠天聰。微物縱可採。其誰爲至公。余亦從此去。
歸耕爲老農。

送六舅歸陸渾

伯舅吏淮泗。卓魯方喟然。悠哉自不競。退耕東臯

田。條桑臘月下。種杏春風前。酌醴賦歸去。共知陶
令賢。

送別

下馬飲君酒。問君何所之。君言不得意。歸臥南山
陔。但去莫復問。白雲無盡時。

送張五歸山

送君盡惆悵。復送何人歸。幾日同攜手。一朝先拂
衣。東山有茅屋。幸爲歸荆扉。當亦謝官去。豈令心

事違。

送縉雲苗太守

手疏謝明主。腰章為長吏。方從會稽邸。更發汝南
騎。按節下松陽。清江響饒吹。露冕見三吳。方知百
城貴。

送權二

高人不一作有可友。清論復何深。一見如舊識。一言知道
心。明時當薄宦。解薛去中林。芳草空隱處。白雲餘

故岑韓侯久攜手。河嶽共幽尋。悵別千餘里。臨堂
鳴素琴。

送高適弟耽歸臨淮作

少年客淮泗。落魄居下邳。遨遊向燕趙。結客過臨
淄。山東諸侯國。迎送紛交馳。自爾厭遊俠。閉戶方
垂帷。深明戴家禮。頗學毛公詩。備知經濟道。高臥
陶唐時。聖主詔天下。賢人不得遺。公吏奉纁組。安
車去茅茨。君王蒼龍闕。九門十二達。羣公朝謁罷。

冠劍下丹墀。野鶴終踉蹌。威鳳徒參次。或問理人術。但致還山詞。天書降北闕。賜帛歸東菑。都門謝親故。行路日逶遲。孤帆萬里外。淼漫將何之。江天一作南海陵郡。雲日淮陰祠。杳冥滄洲上。蕩漭無人知。緯蕭或賣藥。出處安能期。

送張舍人佐江州同薛據十韻

束帶趨承明。守官唯謁者。清晨聽銀蚪。薄暮辭金馬。受辭未嘗易。當是方知寡。清範何風流。高文有

風雅。忽佐江上州。當自潯陽下。逆旅到三湘。長途應百舍。香爐遠峯出。石鏡澄湖瀉。董奉杏成林。陶潛菊盈把。范蠡常好之。廬山我心也。送君思遠道。欲以數行灑。

送韋大夫東京留守

人外遺世慮。空端結遐心。曾是巢許淺。始知堯舜深。蒼生詎有物。黃屋如喬林。上德撫神運。沖和穆宸襟。雲雷康屯難。江海逐飛沈。天工寄人英。龍袞

瞻君臨名器。苟不假保釐。固其任素質。貫方領清
景。照華簪。慷慨念王室。從容獻官箴。雲旗蔽三川。
畫角發龍吟。晨揚天漢聲。夕卷大河陰。窮久業已
寧。逆虜遺之擒。然後解金組。拂衣東山岑。給事黃
門省。秋光正沈沈。功名與身退。老病隨年侵。君子
從相訪。重玄其可尋。

留別山中溫古上人兄并示舍弟縉
解薜登天朝。去師偶時哲。豈唯山中人。兼負松上

月。宿昔同游止。致身雲霞末。開軒臨穎陽。臥視飛
鳥沒。好依盤石飯。屢對瀑泉渴。理齊少狎隱。道勝
寧外物。舍弟官崇高。宗兄此削髮。一作此祝荆扉但灑掃。乘
閒當過歇。

別弟妹

兩妹日成長。雙鬢將及人。已能持寶瑟。自解掩羅
巾。念昔別時小。未知疎與親。今來始離恨。拭淚方
慇懃。

其二

小弟更孩幼。歸來不相識。同居雖漸慣。見人猶未
覓。宛作越人語。殊甘鄉水食。別此最為難。淚盡有
餘憶。

別綦母潛

一作殿

端笏明光宮。歷稔朝雲陛。詔刊延閣書。高讓平津
邸。一作適意輕微祿遇人削繁禮。削繁禮盛得江左風。彌工建
安體。高張多夕絃。截河有清濟。嚴冬爽羣木。伊洛

方清泚。渭水冰下流。潼關雪中啓。荷蓀幾時還。塵
纓待君洗。

新晴晚望

新晴原野曠。極目無氛垢。郭門臨渡頭。村樹連溪
口。白水明田外。碧峯出山後。農月無閑人。傾家事
南畝。

自大散以往深林密竹。蹬道盤曲四五十里
至黃牛嶺見黃花川

危徑幾萬轉。數里將三休。迴環見徒侶。隱映隔林
丘。颯颯松上雨。潺潺石中流。靜言深溪裏。長嘯高
山頭。望見南山陽。白露靄悠悠。青臯麗已淨。綠樹
鬱如浮。曾是厭蒙密。曠然消人憂。

早入滎陽界

泛舟入滎澤。茲邑乃雄藩。河曲閭閻隘。川中烟火
繁。因人見風俗。入境聞方言。秋晚田疇盛。朝光市
井喧。漁商波上客。雞犬岸傍村。前路白雲外。孤帆

安可論

寓言

朱紱誰家子。無乃金張孫。驪駒從白馬。出入銅龍
門。問爾何功德。多承明主恩。鬪雞平樂館。射雉上
林園。曲陌車騎盛。高堂珠翠繁。奈何軒冕貴。不與
布衣言。

君家御溝上。垂柳夾朱門。列鼎會中貴。鳴珂朝至
尊。生死在八議。窮達由一言。須識苦寒士。莫矜狐

白温

渡河到清河作

泛舟大河裏。積水窮天涯。天波忽開拆。羣邑千萬家。行復見城市。宛然有桑麻。迴瞻舊鄉國。淼漫連雲霞。

苦熱

赤日滿天地。火雲成山岳。草木盡焦卷。川澤皆竭涸。輕紈覺衣重。密樹苦陰薄。莞簟不可近。絺綌再

三濯。思出宇宙外。曠然在寥廓。長風萬里來。江海蕩煩濁。却顧身爲患。始知心未覺。忽入甘露門。宛然清涼樂。

納涼

喬木萬餘株。清流貫其中。前臨大川口。豁達來長風。漣漪涵白沙。素鮪如游空。偃臥盤石上。翻濤沃微躬。漱流復濯足。前對釣漁翁。貪餌凡幾許。徒思蓮葉東。

濟上四賢詠三首

崔錄事

解印歸田里。賢哉此丈夫。少年曾任俠。晚節更為
儒。遁世東山下。因家滄海隅。已聞能狎鳥。余欲共
乘桴。

成文學

寶劍千金裝。登君白玉堂。身為平原客。家有邯鄲
娼。使氣公卿座。論心游俠場。中年不得志。謝病客

游梁

鄭霍二山人

一作寄崔鄭二山人

翩翩繁華子。多出金張門。幸有先人業。早蒙明主

一作同

一作未

恩。童年且未學。肉食鶩華軒。豈乏中林士。無人薦

至尊。鄭公老泉石。霍子安丘樊。賣藥不二價。著書

一作仍

盈萬言。息陰無惡木。飲水必清源。吾賤不及議。斯

人竟誰論。

鷺子龕禪師

一本有詠字

山中鷲子龕路劇羊腸惡裂地競盤屈插天多峭
嶠瀑泉吼而噴怪石看欲落伯禹訪未知五丁愁
不鑿上人無生緣生長居紫閣六時自槌磬一飲
尙帶索種田燒白雲斫漆響丹壑行隨拾栗猿歸
對巢松鶴時許山人請偶逢洞仙博救世多慈悲
卽心無行忤周商倦積阻蜀物多淹泊巖腹乍匆
穿澗脣時外拓橋因倒樹架柵值垂藤縛鳥道悉
已平龍宮爲之涸跳波誰揭厲絕壁免捫摸山木

日陰陰結跣歸舊林一向石門裏任君春草深

冬夜書懷

冬宵寒且永夜漏宮中發草白靄繁霜木衰澄清
月麗服映頰顏朱燈照華髮漢家方向少顧影慙
朝謁

早朝

北詩與五律早朝一首或公一時所作

一作贊

皎潔明星高蒼茫遠天曙塊霧暗不開城鳴鳴稍
去始聞高閣聲莫辨更衣處銀燭已成行一作重金門儼

騶馭

獻始興公

時拜右拾遺

寧棲野樹林。寧飲澗水流。一作中不用坐梁肉。崎嶇見王侯。鄙我匹夫節。布褐將白頭。任智誠則短。守仁固其優。側聞大君子。安問黨與讐。所不賣公器。動為蒼生謀。賤子跪自陳。可為帳下不。感激有公議。曲私非所求。

哭殷遙

人生能幾何。畢竟歸無形。念君等為死。萬事傷人情。慈母未及葬。一女纔十齡。一作訣別泱泱寒郊外。蕭條聞哭聲。浮雲為蒼茫。飛鳥不能鳴。行人何寂寞。白日自淒清。憶昔君在時。問我學無生。勸君苦不早。令君無所成。故人各有贈。又不及平生。負爾非一途。痛哭返柴荆。

故南陽夫人樊氏輓歌

石窳恩榮重。金吾車騎盛。將朝每贈言。入室還相

敬。疊鼓秋城動。懸旌寒日暝。不言長不歸。環珮猶將聽。

四言

酬諸公見過

時官出在輞川莊

嗟余未喪。哀此孤生。屏居藍田。薄地躬耕。歲晏輸稅。以奉粢盛。晨往東臯。草露未晞。暮看煙火。漁擔來歸。我聞有客。足掃荆扉。

簞食伊何。齰瓜抓棗。仰廁羣賢。皤然一老。媿無莞篔。班荆席藁。

汎汎登陂。折彼荷花。淨觀素鮪。俯映白沙。山鳥羣飛。日隱輕霞。

登車上馬。倏忽雨散。雀噪荒村。雞鳴空館。還復幽獨。重欷累歎。

王摩詰詩集卷之一終

隱重煇景煇
登車士謝外
天日翫野露
凡鳥登如林
單夷誠孤慕
雨晴對樂荒
林巖靜空
地影
一
一
一

